

# Tany

---

Ny **Tany** dia ny planeta fahatelo raha ny elanelany amin'ny Masoandro no heverina ary izy irery ankehitriny no fantatra fa onenan-java-miaina eo amboniny. Ny tany dia niforona tamin'ny 4,5 lavitrisa taona lasa; anisan'ny planeta vato eto amin'ny Rafitry ny Masoandro izy io. Ny telo hafa dia i Merkiora sy i Venosy ary i Marsa.

Mampihodina ny Tany amin'ny Masoandro ny lanja lehiben'ny Masoandro, tahaka ny lanja lehiben'ny Tany mampihodina ny Volana manodidina azy. Ny isan'ny andro ihodinan'ny Tany amin'ny Masoandro dia 365,25 andro eo ho eo. Izay no antsoina hoe herintaona. Ny isan'ny andro ihodinan'ny Volana manodidin'ny Tany dia 27,33 andro. Izay no niavian'ny anarana hoe «volana».

Ny Tany no planeta tena ahitana rano mikoriana eto amin'ny Rafitry ny Masoandro, ary 71% ny velarany manontolo no misy izany. Izay koa no iantsoana ny Tany ho «planeta manga».

Eto amin'ny Tany dia ahitana karazana zava-miaina eo amin'ny 14 tapitrisa eo ho eo. Eo amboniny no tena iainan'ny ankamaroan'izy ireo, ary misy ihany koa ireo karazan-java-miaina miaina any ambanin'ny tany. Niova be mihitsy ny zava-maina teto an-tany. Ohatra, tany am-boalohany, ny sianôbakteria dia nanova ny soson-drivotra iainana ary nanome ôksizenina.

## Ireo fajirin'ny Masoandro

Merkiora — Venosy — Tany — Marsa — Jiopitera — Satorina — Iorano — Neptiona

---

Hita tao amin'ny "<https://mg.wikipedia.org/w/index.php?title=Tany&oldid=970076>"

---

**Voaova farany tamin'ny 13 Aprily 2019 amin'ny 06:10 ity pejy ity.**

Azo ampiasaina araka ny fepetra apetraky ny lisansa Creative Commons Attribution-ShareAlike ; Mety misy ny fepetra fanampiny mihatra. Jereo fepetram-pampiasana ho an'ny antsipirihany.